

Conocido abogado ta subi stage como King Law na e Aruba Caiso & Soca Monarch 2013



STA. CRUZ -- Carnaval 59 ta conoce inovacion, sigur den e festival di calypso y roadmarch cu e aña aki ta haya un bachi nobo yama 'Caiso y Soca Monarch'. No unicamente lo tin henter un sistema nobo di organiza, pues un outlook hopi mas profesional, pero e festival di e aña aki ta

conoce un participante cu a lanta hopi wenkbrauw. E conocido abogado Lincoln Dello Gomez a dicidi di subi escenario pa bira 'King Law'. Esey ta e nomber cu el'a haya desde e prome dia cu el'a dicidi di yuda e musiconan di Aruba yega na nan propio festival. Un dia den conversacion cu

Antoni Gario over di Caiso y Soca, Gario a 'challenge' King Law pa

participa den e festival. Gomez no ta core pa challenge dus a acepta e reto y awor tin algun siman ta train cu Le Groove. Despues di a haya un indoctrinacion di Caiso y Soca cerca Gario. Pues e aña aki lo tin un atraccion nobo riba stage cu ta den e prome dia di e festival dia 15 di Januari cu ta diamars. King Law a laga sa cu si e haci algo, e ta haci'e bon dus pa spera un bon presentacion

den e pre-finalnan. Observadornan a bisa cu esaki lo ta e prome biaha cu King Law ta riba stage pero alavez e por bira e ultimo biaha, pues nan ta avisa pa no perde e show aki. Esnan cu tabat'ey presente na e sitio di training di Le Groove a laga sa cu e grupo ta bin duro e aña aki, pues cada cantante lo ta bon prepara. (Favor publica cu algun foto di e proceso di training na e centro di Le Groove)

